

维瀚、言湛甫、黎树堂、杨墨林、罗云翰各贺信。亦致唐蓬洲一信，托周兴之转递。文思过谈。

初七日。阴。陶少云、黎尔民各邀饮，陈程初、唐懋皆又邀同公贺陶少云，并以臂痛辞之。子瀚、子宽邀同丁次谷、李佐周及玉舫、寅伯就饮。寅伯、新吾在县以借项相持，次谷为抱公愤，因告玉舫一为理处。

初八日。接李佐周信。闻张南屏仍回长沙，周稚威署常宁，朱莼卿署桃源，而求荐者已踵至。并以病谢客辞之。罗麓山、子瀚过谈。

初九日。接朱香荪信，当复香荪一信。林梅仲忽来报林贞伯之丧，竟以气痛致殒，为之怆然。

初十日。致孙春皋、但少村二信。以周兴之接於桐轩耒阳任，黄幼森又至失馆，托孙春皋荐致周兴之。但少村信则李佐周托为其弟求调近者也。王阳言：屈伸俯仰以利形，进退走趋以实下，吸新吐故以练藏，蓄意积精以适神。以养生之术见之章奏。亦由西汉尚黄老之学，凡此皆老氏之支流也。

十一日。接苏紫溪、孙春皋、但少村、李佐周各信。亦复李佐周一信。周稚威、朱莼卿枉过。以病不见客，然相距多日，并不及专足致贺，仆人疏谬可笑。胡道生过谈半日。

十二日。接韩宝臣、刘朗山、金少卿、陈船斋四信。李佐周过谈。遣人探询子瀚，尚未下乡。是日大风寒甚，亦于下乡不宜也。

十三日。阴，寒甚。唐介繁奉其母书至。日望龚果斋至，顺孙乃言至已数日，枉见，为门者所阻，而吾不能知也。

十四日。刘嘉甫再四求见，以病不能见。据称欲得便衣一谈。使人询之张冶秋，其人行谊究何如也。蔡竹泉、蔡浩楼枉过。

十五日。雨雪，寒甚。元夕，诣两宅率家人叩谒祖先。邀张禹珊、张冶秋、龚果斋、胡道生、蔡竹泉、杨佑吾小饮。以冶秋将入都供职，适以病谢客，乘元夕之宴邀同一谈也。

十六日。雪，寒。此两年无奇寒酷暑，去冬和暖，常若春时。三日以来，寒噤至不可耐。方患臂，又值齿痛，其苦尤甚。抚念穷民无衣食者，为之惘然。接韩宝臣专足递到一信，致送经笙千脩，当复一信，并致经笙一信，仍交专足带赴湘乡。亦致胡道生一信。

十七日。寒。致张冶秋一信。易炳芝、唐介繁及子瀚过谈。阴雨且寒，日益加短，转瞬已至夕矣。

十八日。接张冶秋、丁次谷及子瀚各信。亦复次谷一信。蔡竹泉、唐介繁及寅伯过谈。是日微见日，旋阴而寒如故。

十九日。致吴云谷、李健斋、周静溪三信。亦接唐兰生、周桂坞、曾岳心、朱暝庵及子瀚各信。接暝庵信，始知刘伯固已自都南旋，兼为广西太史刘嘉树致意，其言谓鄙人粗谙洋务，意求有所考正也。刘伯固、徐仁羲、戴柏斋过谈。

二十日。三日或阴或晴，而寒气不减，亦往时春景所未有也。为李佐周致但少村一信。似少村于此有意为之，意或佐周前信语稍激烈，必欲转致之少村，于此稍拂其意耶？以此相累，致书至四次之多，虚费精力，为之惘然。接黄幼森一信。李麓渔自乡至。

廿一日。阴，寒。接程尚斋、易卓超、罗瑞生、李佐周及子瀚各信。送英儿及外孙周葆闾启学，命杨佑吾代为照料。晚邀刘伯固、刘康侯、曾慕陶、曾霖生、杨佑吾及慰霖陪同李麓渔小酌。本为伯固设席，而麓渔适至，便就开馆。康侯、霖生不至。

廿二日。雨，寒。周五楼过谈。刘伯固抄示黄蘖禅师诗。十馀年前曾见之，所传语句时有参差，正未知何人附会为之。

廿三日。雨，寒。致喻小冈、於桐轩、黄幼森三信。亦接寄禅一信，论诗极有会悟，录见各诗，皆清逸绝尘，楚僧无其匹也。又接子澹、炳文、鹤九各信。

廿四日。致彭伯衡芍庭中丞世兄，及复炳文、鹤九信。亦接上海、两广赈捐局唐景星、徐雨之公信，经理局务者李朝覲也。亦接杨仙芸、罗赞卿二信，皆托求局务，各以一信辞之。蔡竹泉、蔡葆初过谈。

廿五日。大雨，雷，寒。复杨厚庵、俞鹤皋信。亦接杨子卿及翰舟、经笙各信。怡仲之妻求资怡仲回家。属子澹函致左癸叟、唐鹤台二君为谋之。

廿六日。大雨，雷。（寄）〔接〕杨厚庵、苏紫溪、彭伯衡、曾澄侯、陈右铭、喻小冈。亦致盛锡吾一信，托转递喻小冈。又复汤肖安及翰舟各信，以肖安有信托荐王少云应周荔樵处教读，此时想早定局也。玉舲过谈，递到吴晴研、萧子远、唐桂生一信。

廿七日。雨，风，寒。致曾摯民、李次青、周（伍）〔桂〕塢三信，由桂塢专足带思南府署。接方翰卿驻广西归顺府防营、刘又愚、俞鹤皋、盛锡吾各信。刘又愚求致泸州夏淑轩观察及王壬叔二信，求盐务差使。正思致壬叔一信，可就便言之。用舟、咏民过谈。

廿八日。雨。接沈星海、俞鹤皋、欧阳子卿三信。亦复沈星海、俞鹤皋二信。鹤皋约魏俪辛来见，因病告缓数日。兼致朱禹田一信。龚果斋过谈。晚间黄子厚亦至，恰与鹤皋议延魏俪辛主讲仰高一席，转使多此一番周旋，甚觉不适。是日中丞甄别三书院。

廿九日。阴，寒甚。长日苦短，惟觉老景之逼人也。遣人诣吴云谷，仍以二月初赴岳州。枉承问疾，闻其乞假，相报问耳。

三十日。阴，寒。复欧阳子卿一信。子澹、咏民见过久谈。

子瀚述及黎尔民之意，始知前日枉顾，盖有为也。

二月

二月初一日乙丑。阴。接杨性农、王惠泉及寅伯各信。性农并寄到《移芝室诗古文集》一部。是日王辰丽开馆，兼邀李麓渔、易铁桥、李筱溪、危笙陔及用舟、润民小酌。筱溪、润民并已回县。

初二日。早雨，午后晴。接徐仁羲、周瑞堂二信。吴云谷过谈。寅伯邀同丁次谷、李佐周及子瀚、子宽枉至小饮。

初三日。早晴。俄顷云起，大雨竟日，甚奇。接黄芍岩、朱禹田及子瀚各信。亦复子淮一信。王惠泉、庄理卿、庄季含过谈。禹田函商文正祠值年首事，与鄙意微有不同。禹田欲合淮商公局为十人，公局本禹田主之，比年增加湘商二人：朱禹田、杨容堂；西商二人：萧小泉、刘晴轩。此次增加值年首事，则傅青馥、俞鹤皋、杨鹏海、陈程初也。其李次青、凌问樵二人，前数年邀入之。公局自公局，值年自值年，不能混同为一也。

初四日。雨。致曾沅甫宫保，为黎尔民言督销事宜。亦接杨丽峰、邓辅臣二信。萧小虞递到潘季玉赴书季玉住闾门内西百花巷。李芋生、丁次谷及子瀚、荇农、懋官、敬修来见。邓辅臣为邓宝臣之弟，其义子侵盗其资装，名龚锡畴。龚兰廷之族人有意庇护之，因以相告。

初五日。雨。接吴晴研、朱幼炳二信。龚果斋及用舟、慰霖过谈。遣人至余尧衢处探询黄子厚行踪，云于今日抵省，因属用舟一往视之。

初六日。雨，风，寒甚。接李佐周一信，当以一信复之。王

綬卿受吊成主，延請一題，俞鶴皋、周瑞堂、李蔭堂枉陪。隨往拜李芋生、李黼堂、傅青餘、俞鶴皋、楊鵬海、周惠生，至夕回家。胡其祥、韓貝臣枉過，久候至二鼓，始辭去。寒緊乃似嚴冬。

初七日。雨，寒。致吳晴研、蕭子遠、唐桂生及鶴九各信。又寄玉齡一信。易椒生專足遞到一信，為其侄易堂鏡求人講舍，當以一信復之。歐陽季臨自湘潭至。

初八日。雨，寒。邀胡其祥、韓陞臣、歐陽季臨、王竹軒及子澹、荇農午酌。王竹軒為歐陽季臨之戚，以府經歷候補貴州有年，奉詆回湘，服將除，其友人劉君任仁懷厅，召之赴黔，因求一書抵李次青、曾摯民。劉君名啟瑞。吾于王君无一面之識，季臨乃相偕至省求書。此等酬應，太覺無謂。李苟臣過談。

153

初九日。雨，寒。接朱禹田信，亦復朱禹田信。并致俞鶴皋、王惠泉、胡其祥及用舟各信。黃子厚約初四日來省，至今無信，關件仍交还用舟，听从酌定。黃子厚、魏麗辛，吾亦不復過問也。

初十日。致李黼堂信，亦接李黼堂一信。回拜吳云谷、李瑞南、丁次谷、黃子冶。并詣孫春皋、何伯元、陶少云、劉馨室、鄧雙坡、周笠西、左逸仙、陳治生、朱暝庵、陳舫仙、徐雲渠、徐壽鴻、熊鶴村、黎爾民、左子栗、左子健、左子昇、曾霖生、陳仲寬、余堯衢、李佐周、龍琴堂、龔榮甫。兼視周惠甫病。并詣成靜齋、林少梅致唁。靜齋處照料人客者為黃子燾。晚次，黃子冶、湯斐齋、丁次谷邀同汪鐵珊、王夢泉及子澹枉過會飲。

十一日。接黃子明、羅子昭、唐繼武、易堂鏡及玉齡各信。當復黃子明一信。又為歐陽季臨致李次青一信，托其戚王竹軒。黃子厚、胡其祥、鍾佐廷及佩珊、秉文過談。

十二日。接丁次谷、李佐周、陳堯輔、陳熙堂各信。往賀二太太壽辰。與韓陞臣、胡其祥、鍾佐廷一談汽輪船事宜。回拜朱